

130

Kiûchō ê Kító

(Peh kiā'á ê si.)

- 1 SiōngChú ah,
góa tùi chhimian kiûkiò Lí!
- 2 Chú ah, kiú Lí thiaⁿ góa ê siaⁿ!
Goān Lí àⁿ hīⁿkhang thiaⁿ góa khúⁿkiú ê siaⁿ!
- 3 Chú — góa ê SiōngChú ah, Lí nā tuikiù chōeok,
siáⁿlâng khiā ē tiâu?
- 4 Chóng sī, Lí ū siàbián ê intián,
beh hōⁿlâng kèngùì Lí.
- 5 Góa thèngⁿhāu SiōngChú, góa ê choân sinsim
lóng teh thèngⁿhāu I;
góa gióngbōng I ê òe.
- 6 Góa ê sim thèngⁿhāu Chú,
iāⁿkòe chiúkeⁿ ê lâng teh thèngⁿhāu thiⁿkng;
iāⁿkòe chiúkeⁿ ê lâng teh thèngⁿhāu thiⁿkng.
- 7 Isulael ah, lí tiòh gióngbōng SiōngChú!
Inūi SiōngChú ū chūài, koh ū hongⁿsēng ê kiùun.
- 8 I beh kiùsiòk Isulael,
kiù i thoatlī sōū ê chōeok.

130

求助 ê 祈禱

(Peh 崎 á ê 詩。)

- 1 上主 ah,
我 tùi 深淵求叫祢!
- 2 主 ah, 求祢聽我 ê 聲!
願祢 àⁿ 耳孔聽我懇求 ê 聲!
- 3 主—我 ê 上主 ah, 祢若追究罪惡,
啥人 khiā ē tiâu?
- 4 總是, 祢有赦免 ê 恩典,
beh hōⁿ人敬畏祢。
- 5 我 thèngⁿ 候上主, 我 ê 全身心 lóng teh thèngⁿ
候祢;
我仰望祢 ê 話。
- 6 我 ê 心 thèngⁿ 候主,
贏過守更 ê 人 teh thèngⁿ 候天光;
贏過守更 ê 人 teh thèngⁿ 候天光。
- 7 以色列 ah, 你 tiòh 仰望上主!
因為上主有慈愛, koh 有豐盛 ê 救恩。
- 8 祢 beh 救贖以色列,
救伊脫離所有 ê 罪惡。